

雲岐子保命集論類要

三

徐不麟
曾子昂
所贈書





叢書集成

初編

主編者
王雲五

商務印書館發行



雲岐子保命集論類要

(二)

撰人宋詳

雲岐子保命集論類要卷下

濟生後粹方卷第十三

勞傷并治

大病差後真氣未全強行房事勞損督任二經故少腹裏急或引陰中急痛拘急熱氣上衝胃頭重不能舉目中生花脛拘牽兩足躄脉督任四經病可易取男子婦人褻燒之名燒褻散方在前陰證略例內

大病差後勞復身熱而煩脉微數無汗下證者枳實梔子湯主之有表則汗之有裏則下之

大病差後正氣尚虛不能施化水穀為榮氣故腰下有腫當利其水行其氣宜牡蠣澤瀉散

大病新愈喜唾不休正氣尚虛胃中寒腎主液自入為唾宜理中丸

大病新差又虛瘦少氣欲吐正氣不復也宜竹葉石膏湯
大病已解因食後微煩者正氣不能勝穀氣也穀氣與正氣相
搏故日暮而煩減食則愈 若勞乎氣無力與精神者微舉
之若勞乎血與筋骨以四物之類補之若勞在脾爲中州也
調中可矣

諸證辨

水證

凡病表裏傷寒而口乾引飲水氣在內停而不散外有表證未
除內有水者小青龍湯主之

表證外除裏有水氣不散者十棗湯主之

渴飲水證

與桂枝麻黃發汗之後脈洪大而渴者有三 上中下有熱分三

藥所主而治之 肺熱於上焦渴而飲水故上焦之渴白虎湯也 熱在中焦胃熱飲水小便不利故中焦之渴豬苓湯也 熱在下焦膀胱有熱而渴小便不利五苓散也

陽厥陰厥證

凡厥者厥陰也或脈見與不見併之陽明本胃中實口乾而渴欲飲水爲熱厥其人狂言妄語如見鬼狀雖熱不見脈伏於內也故厥深熱亦深厥微熱亦微併於太陰少陰之中大便自利躰重惡聞人聲雖有狂言口乾而不渴此寒厥也雖脈沉者爲沉數也非沉遲也沉遲爲陰也

小便不利證

凡病小便不利者太陽之本也所併既異治亦不同併之陽明之本不利者下之則利不必五苓也

併之少陽之經而不利者和之陰陽和則利亦非五苓也
併之少陰而不利者溫之則利亦非五苓也
併之厥陰而不利者溫之而利亦非五苓也
太陽標本自併而不利者則五苓散主之

發黃證

凡發黃有六有畜血有濕熱實有風濕熱虛有寒濕有結胃有痞氣

畜血發黃邪熱傳於太陽之本小便先淋而黃其人暴狂內有血也為太陽發黃本病也

濕熱發黃太陰併陽明之本為濕熱發黃而小便不利

風濕熱發黃併少陽也 寒濕發黃太陰併少陰也

結胃發黃附太陽也 痞氣發黃附太陰也

凡六者各隨脈證標本而治之大抵發黃從太陽陽明而論
陽明屬胃太陰屬脾皆土也故見黃黃色當從其脾故脾病色
黃土氣化濕非濕毒氣何能發黃又涼藥太過亦能生黃惟
寒濕與此宜溫也

結胃證

結胃病邪氣動膈結於胃中故名結胃非標本傳變而有妄下
而有也邪在太陽之標反下之邪熱乘虛內陷胃中結而痛
甚熱而煩燥手不可近頭微汗際頸而還大陷胃湯

結胃背項強如柔瘥狀邪氣結於內柔瘥多汗結胃自汗陷
胃丸小結胃按之實痛心下微硬脈浮而滑小陷胃湯

三證結胃皆日晡潮熱

結胃微熱者水結胃也必謹察之無令妄治

痞氣證

痞氣按之軟而不痛寸沉關浮而有熱者大黃黃連瀉心湯

傷寒汗下後身寒痞滿而嘔食飲不下脉微按之不痛非柴

胡證宜半夏瀉心湯

傷寒發黃於陰反下之後心下痞而惡寒自汗脉遲者附子

瀉心湯

傷寒汗下後聞食不欲食自利腸鳴而心下痞滿者生薑瀉

心湯

傷寒汗下後心中痞大便硬又下之道氣上衝大便復硬也

胃氣虛故也當和胃氣甘草瀉心湯

虛煩證

虛煩為汗之後有之也汗虛其表下虛其裏表裏俱虛陰陽氣

爭故煩而不得眠神志不安心中懊懣故曰虛煩各變以象應之

汗下後心中懊懣頭汗出煩而不得眠心中微結而痛者梔子
豉湯主之

傷寒醫以丸藥下之身熱不去裏不結微煩而不得眠者梔子
乾薑湯主之

傷寒汗下後喘而不得眠者梔子豉加杏仁二十枚主之

傷寒汗下後咳嗽而煩不得眠者梔子豉加入人參芍藥各五錢
主之

傷寒六經諸證

凡發表皆太陽也邪初傷皮毛腠理太陽經行身之後爲表之
表故可發汗

太陽非頭痛項強不可發汗 非身熱惡寒不可發汗

非脈浮不可發汗

陽明凡凡發熱蒸蒸發熱翕翕發熱皆不惡風可解其肌

少陽往來寒熱可和解之凡此三者皆標病經病故外則從

太陽內則從陽明陽明主胃胃者水穀之海諸經本傳至陽

明而不傳也

非陽明之本不可下陽明本病胃家實故也

非痞滿燥實不可下

非潮熱發渴不可下

非罵詈不避親疎不可下

非脈沉數不可下

非棄衣而走登高而歌如見鬼狀不可下

非少陽不可和雖有太陽而見少陽一證便可和之不必悉具

非往來寒熱不可和

非脇肋急痛不可和

非胃滿而嘔不可和

非脈緩者不可和

非太陰不滿滿者痞氣也因妄下傷胃內損穀氣脾胃既衰不能行氣於四藏結而不散故為痞故非太陰無痞

非太陰不自利

非太陰腹中無虛滿

非少陰而不溫足少陰腎本寒故也

泄瀉下重腹痛少陰也

身寒拘急少陰也

足脛寒逆少陰也脈浮而微故溫之也

非厥陰而不逆胃虛寒氣逆於上厥陰也

四肢厥冷身寒者厥陰也

邪在三陰少陰證多邪在三陽太陽證多

兩感傷寒證

兩感於寒不治者表裏俱傷標本皆病故知不治外則腠理不

閉榮衛不能守衛氣不能護內則大小便不禁穀氣不能榮
養少氣脉微而欲絕者故不治

有兩感可治者感異氣也使表中風內傷於寒可治

表中於濕內傷於寒可治 表中於熱內傷於寒可治

當切脉逆從以知吉凶兩感之邪三陰三陽皆有之脉從陽
可治脉從陰難治陽生陰死此之謂也

關格病

陰陽易位病名關格曾膈已上陽氣常在熱則為主病身半已
下陰氣常在寒則為主病寒反於胃中舌上白胎而水漿不
下故曰格格則吐逆

熱反丹田小便不通故曰關關則不得小便胃中有寒以熱
藥治胃中之寒丹曰有熱以寒藥治丹田之熱胃中有寒上

下之法治主當緩治客當急尺寸反者死陰陽交者死閉格者不得盡其命而死矣

傳變諸證并方

傷寒汗下後熱結胃中者宜**桔梗連翹湯**

桔梗

連翹

黃芩

略壹

薄荷

甘草

川芎

各伍分

梔子

壹个

右剉細每服一兩水三盞煮至一盞去滓溫服

傷寒汗下後熱結胃中大便澁微小便赤者宜**黃連梔子湯**

黃連

梔子

黃芩

大黃

四味各五分

右剉細每服壹兩水三盞煎服

傷寒後心風狂妄者宜**防風黃連湯**

黃連

大黃

防風

遠志

茯神

五味各半兩

右劉細每服一兩水三盞煎服

傷寒汗下後頭痛起目眩者宜**獨活湯**

防風 獨活 旋覆花 當歸 四味各七分

右劉細每服七錢生薑同煎

傷寒汗下後腹中時痛小便清者**芍藥乾薑湯**

芍藥 乾薑 白木 桂枝 四味各半兩

右劉細每服五錢生薑同煎

傷寒熱病後頭痛不止**石膏川芎湯**

石膏 川芎 二味各一兩

右為麤末每服五錢水煎服

傷寒汗下後頭痛不止不可再發汗**石膏湯**

石膏 葛根 麻黃各五 黃芩 芍藥 甘草各七

右劉細每服七錢生薑同煎

傷寒汗下後餘熱不退或煩或渴面赤者**人參散**

人參 梔子 藍葉 甘草 白鮮皮 各半兩

右劉細每服五錢水煎服

傷寒汗下後熱不除而渴者**人參知母散**

傷寒汗下後裏急後重下利者**七宣丸**

大黃 一兩 桃仁 十二个 木香 五分 檳榔 五分 訶子皮 五分

右為細末煉蜜為丸如桐子大每服五十九溫水下

傷寒汗下後大小便自利腹中痛者**燥腸丸**

附子 一个 龍骨 半兩 乾薑 一兩 吳茱萸 半兩 米殼 半兩

阿黎勒皮 半兩

右為細末酒糊為丸如梧子大每服三十九溫水下利止勿服

傷寒汗下後喘咳不止恐傳肺痿**補肺散**

人參一兩 五味子五 桑白皮兩 款冬花 蛤蚧一對

右為細末每服五錢沸湯一盞調服

傷寒汗下後咳嗽肺虛聲音嘶敗者**阿膠散**

薯蕷一兩 阿膠一兩 人參一兩 五味子兩 麥門冬一兩

白木一兩 乾薑三 桂枝五 杏仁三

右剉細每服七錢水二盞入烏梅一錢同煎服

傷寒汗下後喘嗽煩燥氣滯膈邪氣逆者**桔梗湯**

桔梗 桑白皮各一兩 甘草 貝母 阿膠各五

右剉細每服五錢水二盞入五味子烏梅肉各一錢同煎

傷寒汗下後足腫有濕氣不除者**木通散**

木香 木通 檳榔 獨活各一 丹參七

右剉細每服五錢水煎服

傷寒汗下後飲食不入而逆氣者胃氣虛故也**枳實理中丸**

仲景有方陳皮湯下

傷寒汗下後氣逆利不止者寒也枳實芍藥乾薑甘草湯

芍藥半兩甘草半兩枳殼麩炒半兩乾薑兩

右剉細每服五錢水煎服

傷寒噫氣者何氣使然答曰胃中氣不交故也少陰經至胃中

交於厥陰水火之相傳而有聲故噫氣也**如聖加枳實湯**

甘草 桔梗 枳實炒三味各五分

右剉細每服五錢入五味子半錢水煎

傷寒氣逆而其無汗下證**如聖加吳茱萸湯**

甘草 桔梗 吳茱萸炒五分

右劉細每服五錢入五味子半錢同煎

傷寒汗下後喘而噫氣者如聖加入參藿香杏仁湯

甘草

桔梗

人參

藿香絡五

杏仁三個去

右劉細每服五錢水煎

汗下後動氣在左右上下證

傷寒汗下後臍左有動氣者防葵散

防葵

一兩

木香

五錢

柴胡

黃芩

各半兩

右劉細每服五錢水煎

傷寒汗下後臍上有動氣者枳殼散

枳殼

五錢

赤茯苓

兩

當歸

一兩

京三稜

炮一兩

木香

五錢

訶黎勒

五錢

右為細末每服五錢沸湯點服

傷寒汗下後臍右有動氣者

前胡散

前胡

赤茯苓

各一兩

大腹皮

人參

各五分

木香

三分

檳榔

大黃

各三分

右為細末每服五錢沸湯點服

傷寒汗下後臍下有動氣者

茯苓散

赤茯苓

兩

檳榔

三分

桂心

大腹皮

川茴香

炮炒

良薑

各五分

右為細末每服五錢沸湯點服

如久不治傳為積熱治之難痊不可汗下也

婦人無孕傷寒七證方七道

夫婦人傷寒中風治法與男子無異惟熱入血室妊娠傷寒則不同也宜以四物安養胎血佐以汗下之藥而治之

婦人傷寒中風自汗頭痛項背強發熱惡寒脉浮而緩恐熱入

血室故倍加芍藥桂枝加芍藥湯

桂枝半兩 赤芍藥二兩半

生薑半兩 大棗六枚

右剉細每服五錢水煎

婦人傷寒脉浮而緊頭痛身熱惡寒無汗發汗後恐熱入血室

宜麻黃加生地黃湯

麻黃半兩 桂枝二兩

甘草半兩

杏仁二十五個
去皮尖

生地黃兩

右剉細每服五錢水煎

婦人傷寒太陽經傳表證仍在而自利併陽明也宜

柴胡加

葛根湯

柴胡一兩

甘草六分

大棗二枚

人參三分

黃芩二分

生薑三分

葛根三分

右劉細每服一兩水三盞煎服

婦人傷寒身熱脉長而弦屬陽明少陽往來寒熱夜躁晝寧如
見鬼狀經水適斷熱入血室大實滿者桃仁承氣湯主之不
實滿者宜**小柴胡加牡丹皮湯**

柴胡二兩 黃芩七升 人參二兩 半夏六升 大棗三枚

甘草七升 生薑七升 牡丹皮二兩

右劉細每服一兩生薑同煎

婦人傷寒太陽標病汗解表除邪熱內攻熱入血室經水過多
無滿實者**甘草芍藥湯**

甘草 芍藥 生地黃 川芎四味各一兩

右劉細每服一兩水三盞煎至一盞半去滓入棕櫚灰五錢
調勻溫服不止者刺隱白

婦人傷寒表虛自汗身涼四肢拘急脉沉而遲太陽標與少陰

本病經水適斷桂枝加附子紅花湯

桂枝二兩芍藥

生薑

各一兩甘草

附子炮

紅花各五分

右剉細每服一兩水二盞煎服

婦人傷寒頭痛脉浮醫反下之邪氣乘虛而傳於裏經水閉而

不行心下結硬口燥舌乾寒熱往來狂言如見鬼狀脉沉而

數當下之宜小柴胡加芒硝大黃湯

柴胡二兩

黃芩半兩

半夏

製一兩

甘草

半兩

大黃

芒硝

大棗

三枚

生薑

半兩

右剉細每服一兩生薑同煎去滓下硝再沸温服若脉不沉

即不可下

婦人有孕傷寒二十證方二十道

婦人傷寒脉浮頭腫自利腹中切痛宜桂枝加芍藥當歸湯

桂枝 芍藥 當歸各一两

右剉細每服一两水煎

婦人妊娠傷寒自利腹中痛食飲不下脉沉者大陰也宜芍藥湯

芍藥 白朮各一两 甘草 茯苓各五兩 黃芪一两

右如前修服

產後二證

產後往來寒熱而脉弦者少陽也小柴胡加生地黄湯

柴胡二兩 黃芩半斤 人參五斤 半夏一斤 甘草半斤

大棗三枚 生地黄 梔子 枳殼各五斤

右如前修服

產後虛煩不得眠**芍藥枳殼湯**

芍藥

當歸

梔子

各五

香豉

半合

右如前修服產後傷寒便同下後變證

妊娠諸證合用四物等湯

方俱在按粹下元戎方中

產後往來寒熱四物內加小柴胡湯

產後虛損食飲不下加建中人参白朮茯苓諸虛不足飲食不

進加建中湯

產後血痢臍腹疼痛四物內加槐花黃連御米殼等分

產後血崩如豆汁澁黑過多者加蒲黃生地黃汁阿膠薊根艾

白芷痢臍腹疼痛大便自利經事頻併加白芍藥

立効散

治婦人胎動不安如重物所墜冷如冰

川芎

當歸

各等分

右爲麤末秤三錢水煎食前溫服

治婦人胎漏下血或因事下血

枳殼去核炒半兩

黃芩半兩白朮二兩

右爲麤末每服五七錢水煎去滓食前

治婦人帶病熱入小腸爲赤熱入大腸爲白皆任脉經虛也宜

苦練丸

苦練碎酒炒

茴香炒

當歸各五分

右爲細末酒糊爲丸每服五十九空心溫酒送下

治產婦血暈昏迷上衝悶絕不知人事者

五靈脂二兩半一半生一半炒

右爲細末每服一錢溫熱水調下口噤者斡開嚙之

若血崩不止用炒熟者加當歸酒同煎或水酒童便各半盞

同煎 **又方** 水煎為膏加神麩末和丸桐子大空心温酒下

調經門

萬病丸 治女人月經淤閉月候不來繞臍痛及產後血氣不調

乾漆 并碎炒令一時又
大煙出煙頭青白

牛膝 去苗酒浸一
宿焙各一两

右為末以生地黃汁一升入二味藥末銀石器內慢火熬可
丸即丸如桐子大每服二丸空心米飲或温酒下

紅花當歸散 治婦人經候不行或積淤血腰腹疼痛及室女月

經不通

紅花 當歸尾 紫葳 牛膝 甘草

蘇木 細剉已上
各二兩 白芷 桂心 各一
兩半 赤芍藥 九兩

刘寄奴 五兩

右為細末空心热酒調二錢服食前臨卧再服

若父血不行濃煎紅花酒調下孕婦休服

劫勞散

治心腎俱虛勞嗽唾中有紅絲發熱盜汗名曰肺痿

白芍藥兩六 黃芪

甘草

人參

當歸

半夏洗

白茯苓

熟地黄

五味子

阿膠炒各兩

右咬咀每服三大錢水一盞半生姜十二片棗三個煎至九

分溫服日三

麥煎散

治少男室女骨蒸婦人血風攻疰肌熱盜汗

鱉甲

大黃溫洗

常山

赤茯苓

柴胡

白朮

當歸

乾漆炒令

生地黄

石膏各兩

甘草半兩

右為細末每服三錢水一大盞小麥五十粒煎至六分臨卧

溫服 若有虛汗加麻黃根一兩同煎

牡丹散

治婦人月水不利臍腹疼痛

牡丹皮 川大黃炒各一兩 赤茯苓 生地黄

桃仁 當歸 桂心 赤芍藥 白朮各半

石韋去毛 木香各半

右咬咀每服五錢水一盞半姜三片至七分去滓空心溫服

牛膝散治婦人月水不利臍腹痛

牛膝一兩 桂心 赤芍藥 桃仁 延胡索

當歸 牡丹皮 川芎 木香各半

每服方寸匕為極細末溫酒調下食前

溫經湯若經道不通繞臍寒痛脈沉緊宜此及桂枝桃仁湯萬

病丸

當歸 川芎 芍藥 桂心 牡丹皮

莪茂各半 人參 甘草 牛膝各一

右咬咀每服五錢水一盞半去滓溫服

桂枝桃仁湯

桂枝 芍藥 生地黄 桃仁製五甘草一兩

右為粗末每服五錢水二盞姜三片棗一個同煎去滓溫服

琥珀散

治月經壅滯心腹疴痛不可忍及治產後惡露不快血

上捨心迷悶不省氣絕欲死

三稜 莪茂 赤芍藥 牡丹皮 刘寄奴

當歸 熟地黄 桂心 烏藥 延胡索各一兩

右前五味用烏豆一升生姜半斤切片米醋四升同煮豆爛

為度焙乾入後五味同為細末每服三錢空心溫酒調下

烏豆一升約五兩

柏黃散

療經血不止

黃芩少則五分 兩二分半

當歸 栢葉

蒲黃各一兩少 則合四分

生薑五分少則 二分

艾葉二分半少 則一分

生地黄六兩少合 二十四分

伏龍肝二兩七分少合 則用十二分

右咬咀用水二升煎取八合分為二服此少合之數

療經血不止 歌曰

婦人經血正淋漓

舊瑞蓮蓬燒作灰

熱酒一盃調八字

自然安樂更无疑

小薊湯治崩漏不止陽傷於陰令人下血當補其陰脉數疾小

者順大者逆

小薊莖葉研取汁 一盃

生地黄汁一盃

白朮半兩剉

右三件入水一盃煎至一半去滓溫服

琥珀散治崩暴下血

赤芍藥 香附子 枯荷葉 男子髮皂英水洗 當歸

棕櫚妙焦存性 烏紗帽是漆紗頭巾取陽氣充出故也

右等分除棕櫚外其餘並切鹿片新瓦上煨成黑炭存性三分為細末每服五錢空心童子小便調下如人行十里再一服七八服即止 若產後血去多加米醋京黑麝少許 一法宜先以五積散加醋煎投一二服次服五靈脂散五靈脂散方在前

金華散 治血室有熱崩下不止服溫藥不効者

延胡索 瞿麥穗 當歸 乾葛 牡丹皮各乙兩

石膏式兩 桂心別為末 蒲黃半兩 歲靈仙七分半

右為細末每服三錢水一盞半空心溫服日二

育窮酒 治崩中晝夜不止醫不能治

芎藭乙兩 生地黄汁乙盞

右先用酒五盞煮芎藭一盞去滓下地黄汁再煎三沸分爲三服

又方 治患崩中不止結作血片如雞肝色碎爛

芎藭十分 阿膠

青竹茹各八分

續斷 地榆

小薊根各十分

當歸六分 生地黄

伏龍肝各十分

右用水九盞煮取三盞去滓分作三服

四物湯 方在前元戎內加減于后

若產後一月內惡物積滯敗血作病或脹或疼曾膈脹悶或發寒熱四肢疼痛加延胡索沒藥香白芷各四物等分爲細末淡醋湯或童子小便酒調下

若血風於產後乘虛發作或產後傷風頭痛發熱百骨節痛

加荆芥穗天麻香附子石膏藿香各三錢半四物料共一兩
中加之水煎服

若虛熱心煩与血相搏口舌乾渴欲飲水者加括萎根一兩
麥門冬七錢半

若寒熱往來加炮乾姜牡丹皮各二錢半

若婦人血虛心腹疼痛不可忍者去地黃加乾姜名四神湯
若老人風秘加青皮等分煎 若血痢亦加膠艾煎

若瘡疾加荆芥酒煎常服

若以四物湯四兩加甘草半兩蜜丸每兩作八九丸酒醋共半
盞溫湯同化下名當歸煎去敗血生好血

婦人百疾只四物湯加吳茱萸煎若陽藏少使茱萸陰藏多
使茱萸

交加散治榮衛不和月經湛濁逐散惡血腹痛血經諸疾並皆

治之

生姜兩式 生地黄乙片式

白芍藥 當歸

延胡索醋帝畏煨令熟用布擦去皮

桂心各乙 紅花炒无惡血不用

沒藥另研各半兩

蒲黃乙兩隔帝炒

右將地黄汁炒生姜滓姜汁炒地黄滓各稍乾焙同諸藥為細末每服三錢温酒調下

若月經不依常蘇木煎酒調下 若腰疼糖煎酒調下

二聖大寶琥珀散

生地黄乙片式 生薑乙片式

當歸 川芎

牡丹皮 芍藥 義茂 蒲黃 白芷

菴活八味各炒 桂心不見火 熟地黄炒

右十味各一两同前二味為細末於甕合內收之加減于后

若婦人冷氣痛并血海不調膈氣炒薑酒調下三錢

若產後胞衣不下暖酒調下二錢

若產後血犯心眼見鬼神用童小便半盞酒半盞同煎調二

錢此藥治婦人諸疾空心日午食前並暖酒調下日二

朱翰林白朮 治婦人胎前產後血氣諸疾

木香炮半兩

三稜

莪茂

白朮各一兩

枳殼去穢

炒黃

白茯苓

當歸

延胡索

人參

熟地黃洗

牡丹皮

粉草

各半兩

右為末米糊丸如桐子大每服二三十丸常服溫酒下

若胎前渾身并脚手痛炒姜酒下

若胎前腹內疼并安胎紫草煎酒下

若胎前嘔逆吐食粳米飲下

若胎前飲食不得渾身倦怠豆淋酒下

若胎前渾身發熱甘草湯下

若胎前咳嗽煨姜鹽湯下

若胎前頭痛煨葱茶下

若胎前產後瀉紫蘇姜酒下

若催生胎衣不下嚼葱白三寸煖酒下

若產後赤白痢乾姜甘草湯下

若產後下血不止燒漆灰一錢調酒下

若產後渾身虛腫陳皮去白焙乾浸酒下

若頭疼薄荷茶下

若赤白帶下燒棕攔灰三錢調酒下

若久年血氣成塊築心痛溫酒下炒姜酒下及良姜浸酒下

皆可

若婦人室女紅脉不通煎紅花蘇木酒下

若經脈不調或前或後或多或少或前當歸酒下

若大小便秘結灯心煎湯下

若乳汁不行苦蕒煮猪蹄羹下

若產後腰疼煎芍藥酒下

中風門

小續命湯

方在發明內附加減于后

若精神恍惚加茯神遠志

若骨節煩痛有熱者去附子倍芍藥心煩多驚者加犀角半

兩骨間冷痛者倍用桂附

若嘔逆腹脹者倍人參加半夏一兩

若躁悶大便澁者去附子倍芍藥入竹瀝一合煎服

若臟寒下利者去防己黃芩倍附子一兩加白朮一兩

若便利產後失血，老人小兒加麻黃桂心甘草各二兩。若治或歌哭或笑語無所不及，用麻黃三兩，人參桂枝白朮各二兩，無附子防風生薑有當歸一兩，自汗者去麻黃杏仁加白朮。

若脚弱加牛膝石斛各一兩。若身疼痛加秦艽一兩。若腰疼加桃仁杜仲各半兩。若失音加杏仁一兩。春加麻黃一兩，夏加黃芩七錢，秋加當歸四兩，冬加附子半兩。

如神湯 治男子婦人腰痛

延胡索 當歸 桂心 等分 一方有杜仲

右爲末，溫酒調下三錢，甚者不過數服。

獨活湯 治腰痛脚膝拘攣重痺，亦治歷節風脚氣流注。

獨活三兩 桑寄生 續斷 杜仲 細辛

牛膝 秦艽 茯苓 白芍藥 桂心

川芎 防風 人參 熟地黄 當歸各三兩

右咬咀每服三錢水一盞去滓溫服空心無桑寄生加甘草

大腹子散 治風毒脚氣肢節煩疼心神壅悶

大腹子 紫蘄 木通 桑白皮 羌活 木瓜

荆芥 赤芍藥 青皮 獨活各一兩 枳殼三兩

右咬咀每服四錢水一盞姜五片葱白七寸去滓空心溫服

骨碎補散 治婦人血風氣攻腰脚疼痛腹脇拘急肢節不持

骨碎補炒 草薢 牛膝 桃仁 海桐皮

當歸 桂心 檳榔各二兩 赤芍藥 附子

川芎各七 枳殼半兩

右為粗末每服三錢水一大盞姜三片棗一个煎去滓食前
熱服

桑白皮散 治風毒脚氣腹内痰惡脚重虛腫

紫蘇 木通 桑白皮 茴香各乙 枳殼式兩

羌活 獨活 荆芥穗 木瓜 青皮

甘草各半 大腹子十個

右以咀每服三錢水一大盞姜三片葱白一莖同煎

桑白皮散 治脚氣盛發兩脚浮腫小便赤澀腹脇脹滿氣急坐

卧不得

桑白皮 郁里仁各一兩 赤茯苓式兩 木香 防己

大腹子各半 紫蘇子 木通 檳榔 青皮各半

右以咀每服三錢姜三片水煎

薏苡仁散 治脚氣弱痺腫滿心下急大便澁

薏苡仁 防風 豬苓 川芎 防己

郁里仁各二兩 檳榔 大麻仁各二兩 桑白皮二兩 枳實七分

甘草半兩 羚羊角屑二兩

右為末每服三錢水煎

四白散 治男子婦人血虛發熱夜多盜汗羸瘦脚痛不能行

黃耆 厚朴 益智仁 藿香 白朮

白扁豆 陳皮各二兩 半夏 白茯苓 人參

烏藥 甘草 白芫花各半兩 芍藥二兩半

檀香 沉香各半

右為細末每服三錢姜三片棗一个水煎

蒼朮丸 治乾濕脚氣筋脉拘牽疼痛不能行

乳香

沒藥

各式分
另研

牛膝

青鹽

各半兩

熟艾

四分

川烏

三分

全蝎

乙分
炒

右為細末共研藥和勻以木瓜一个大者切一頭留作蓋去
穰入上件藥於內將蓋簽定安木瓜於黑豆中蒸令極爛取
出去皮連藥研成膏却入生蒼朮末拌勻丸如桐子大每服
五十九丸空心木瓜湯下以溫鹽酒亦可日三服忌血芍蒜

蒸病閉

雞蘇丸

治虛熱昏冒倦怠下虛上壅嗽血衄血

雞蘇葉

斤半

黃耆

乙兩

甘草

川芎

各半兩

防風

乙兩

桔梗

半兩

荊芥穗

乙兩

甘菊花

三分

生地黄

半兩

腦子

半分

右為細末煉蜜丸如彈子大每服一丸用麥門冬去心煎湯
嚼下若肺損吐血日漸乏力瘦弱行步不得喘嗽痰涎或發

寒熱小便赤澁加車前子三錢用桑枝剉炒香煎湯嚼下

溫金散治勞嗽

甘草 黃芩 桑白皮 防風各一兩 杏仁二十七粒製

人參 茯神各半兩 麥門冬二錢

以前五味用米泔浸一宿曬乾次入人參茯神麥門冬三味

同為細末每服三錢蠟一豆大水煎食後服

子參散涼心肺解勞熱

黃耆一兩 白芍藥 子參 人參 白茯苓

麥門冬 桔梗 生乾地黃各半兩

右為粗末先用竹葉一握小麥七十粒水三盞姜三片煎至

一盞半入藥末三錢重煎至七分去滓溫服

補肺湯治勞嗽

桑白皮 熟地黄 各二兩 人參 紫苑

黃耆 五味子 各一兩

右爲末每服三錢水煎入蜜少許食後

四君子湯加秦光黃蠟煎服尤妙

麥煎散 治少男室女骨蒸婦人血風攻瘧四肢

赤茯苓 當歸 乾漆生 鱉甲醋炙 常山

大黃煨 柴胡 白朮 生地黄 石膏 各一兩

甘草 半兩

右爲末每服三錢小麥五十粒水煎食後臨卧服 若有虛

汗加麻黃根一兩 東坡曰此黃州吳判官療骨蒸黃瘦口

臭肌熱盜汗極効吳君室之如希世之珍其効可知

犀角散 治婦人客熱四肢煩悶疼痛

犀角骨 赤芍藥 地骨皮 紅花 甘草 各半兩

柴胡 一兩 黃耆 一兩 麥門冬 人參 枳殼

赤茯苓 生地黄 各七

右咬咀每服四錢薑三片水煎

黃耆散 治婦人客熱心胃壅悶肢節煩疼

生乾地黄 一兩 黃耆 一兩 犀角骨 甘草

瓜蒌仁 黃芩 各半 人參 茯苓 各半

右爲末每服三錢淡竹葉五片水煎

地骨皮散 治血風氣体虛發渴寒熱

柴胡 地骨皮 桑白皮 枳殼 前胡

黃耆 各七 白茯苓 五加皮 人參 甘草

桂心 白芍藥 各半

右咬咀每服三錢生薑二片水煎

柴胡散 治寒熱体瘦肢節疼痛口乾心煩

柴胡 黃耆 赤茯苓 白朮各一兩 人參

地骨皮 枳殼製 桔梗 桑白皮 赤芍藥

生乾地黄各七錢半 麥門冬三兩 甘草半兩

右咬咀每服四錢薑二片水煎

荆芥散 療時氣風溫寒熱瘴瘧往來潮熱並宜服之

陳皮去白 麻黃去節 香附子 甘草各一兩 荆芥穗

厚朴各二兩 草果仁三個 白芷 桂心各半兩

右為麤末每服四錢薑二片棗二枚水煎

清金湯 治丈夫婦人遠年日近肺氣咳嗽上氣喘急喉中涎声

胃滿氣逆坐卧不安飲食不下

鷲粟殼

人參

粉草

各半兩

陳皮

茯苓

杏仁製

明阿膠炒

五味子

桑白皮

薏苡仁

紫蘇各一兩

加百合

貝母

去心

半夏麴

款冬花

各一兩

右咬咀每服五錢薑二片棗二枚烏梅半枚水煎臨卧服

橘皮湯

古今錄驗方

療春冬傷寒秋夏冷濕咳嗽喉中作聲上

氣不得下頭痛

陳皮

紫苑

麻黃

去根

杏仁

當歸

桂心

甘草

黃芩

各等分

右咬咀每服五錢水煎

四生湯

治痰涎咽喉之中上氣喘逆甚効

紫蘇葉二兩

厚朴三兩

茯苓四兩

半夏五兩

右爲末每服四錢姜七片棗一枚水煎

千縷湯治痰喘

半夏七枚炮裂
四片破之

皂角去皮
炙甘草炙生薑如指
大

右同以水一椀煮去半頓服

嘔吐腹痛

呵子散治老幼霍亂吐利一服取效又治九種心痛及心脾冷

痛不可忍神效

呵子 甘草 厚朴製 乾姜 草果仁

陳皮 良姜 茯苓 神麴 麥蘖各等分

右為細末每服三錢候發刺痛不可忍用水一盞半煎七分

入鹽服

鷄蘇散治虛損氣逆吐血不止

鷄蘇葉 黃芩各一兩 當歸半兩 赤芍藥半兩 阿膠二兩

伏龍肝二兩刺薊

生地黄

黃耆

各一兩

右為麤末每服四錢薑三片竹茹彈子大水同煎

五神湯

治婦人熱毒上攻吐血不止

生藕汁

刺薊汁

生地黄汁

各三盞

生薑汁

半盞

白蜜一盞

右和煎三兩沸無時以一小盞調炒麩塵一錢服

犀角地黄湯

方在前雜知內附

葱白散

治一切冷氣不和及本藏膀胱氣攻衝疼痛大治產前

後腹痛胎不安忽血刺痛宿冷帶癖

川芎

當歸

枳殼

厚朴

桂心

乾薑

芍藥

青皮

木香

麥芽

三稜

莪朮

茯苓

神麩

人參

苦練子

熟地黄

舶上茴香

分

右為細末每服三錢水一盞連根葱白二寸拍破塩半錢煎至七分温服内大黃呵子宜相度病狀如大便不利入大黃同煎却不入塩如大便自利入呵子煎

桂枝桃仁方

方在前 治經候前小腹痛不可忍者

果神丸

神翅

茴香

各四兩

木香

椒炒香出汗

丁香

各半兩

檳榔

四枚

漆

六兩半生用重湯煮半日令香

右除椒漆外五物皆半生半炒為細末用前生熟漆和丸如彈子大茴香末十二兩鋪陰地陰乾候外乾并茴香收器中乾去茴香腎餘膀胱痲癖及疝墜五隔血崩產後諸血漏下赤白並一九分四服死胎一九皆綿灰酒下 若難產炒葵子四十九枚搗碎酒煎下 諸疾不過三服瘥

氣十服膈氣癥癖五服血癥二九當差

桃仁煎治婦人血癥血積經候不通

桃仁

大黃各一兩

蝨蟲半兩

朴消

一兩

右四味為末以醇醋二升半銀石器中慢火煎取一升半下大黃桃仁蝨蟲等末住手攪欲下手丸下朴消更不手攪良久出之丸如桐子大前一日不用喫晚食五更初用溫酒吞下五丸日午取下如赤豆汁或如鷄肝蝦蛛衣狀未下再作如鮮血來即止

沒藥散治一切血氣臍腹撮痛及產後惡露不行兒枕塊痛

血竭

沒藥並細研

桂心

當歸

蒲黃

紅花

木香

延胡索

乾漆炒

赤芍藥

各等分

右為極細末每服二錢熱酒調下食前若血塊衝心痛甚

危者以大順散三錢熱酒調服立止

牡丹散 治婦人久虛羸瘦血塊走疰心腹疼痛

牡丹皮 桂心 當歸 延胡索各兩 莪茂

牛膝 赤芍藥各二兩 荆三稜半兩

右為麤末每服三錢水酒各半煎

妊娠惡阻閉

人參橘皮湯 治阻病嘔吐痰水

人參 橘紅 白朮 麥門冬去心各一兩

甘草二錢 厚朴製 白茯苓各半兩

右為麤末每服四錢淡竹茹彈子大生姜三片水同煎空心

食前

歸原散 治妊娠惡阻嘔吐不止頭痛全不入食服諸藥無効者

人參 甘草 川芎 當歸 芍藥

丁香各半 白茯苓 白木 陳皮各一兩半 桔梗炒

枳殼炒各半 半夏洗十次切炒

右咬咀每服三錢生姜五片棗一枚水同煎

安胎飲 治妊娠惡阻心中憤悶頭重目眩嘔逆不食或胎動不

安腰腹疼痛

甘草 茯苓 當歸 熟地黄 川芎

白朮 黃耆 白芍藥 半夏洗七次炒 阿膠炒

地榆各等分

右咬咀每服三錢姜四片水同煎

半夏茯苓湯 治妊娠惡阻虛煩吐逆百節煩疼羸瘦有痰胎孕

不牢

半夏洗七次 生姜五兩 茯苓 熟地黄各二兩

橘紅 細辛 人參 芍藥 紫蘇

川芎各一兩 桔梗 甘草各半兩

右咬咀每服五錢姜七片水煎空心兼服茯苓丸

若有客熱煩渴口瘡去橘皮細辛加前胡知母各二兩

若腹冷下痢去地黄加炒桂心二兩

若胃中虛熱大便秘小便赤澀加大黃二兩去地黄加黃芩

一兩然半夏雖能動胎若炒過則無妨也

茯苓丸 治妊娠阻病心中煩悶痰吐暈重先服半夏茯苓湯兩

劑後服此藥

赤茯苓 人參 桂心 乾姜 半夏泡洗七次

橘紅各一兩 白朮 葛根 甘草 枳殼各二兩

右為細末煉蜜為丸桐子大每服五十九米飲下日三
一方加麥門冬 肘後加五味子

紫蘇飲 治妊娠胎上逼脹滿疼痛謂之子懸兼治臨產驚恐氣
結連日不下

當歸 甘草各半 大腹子 人參 川芎

陳皮 白芍藥 各半兩 紫蘇 一兩

右咬咀每服半兩水一盞半姜四片葱白七寸去滓溫服空
心

奪命丸 治婦人小產下血子死增寒手指唇口爪甲青白面色
黃黑或胎上搶心則悶絕欲死冷汗自出或食毒物傷動胎氣
下血不止胎尚未損服之可安已死服之可下

牡丹皮 白茯苓 桂心 桃仁製 赤芍藥各等分

右為細末以蜜丸如彈子大每服一九細嚼淡醋湯下速進
兩丸至胎腐爛腹中危甚者立可取出

阿膠散治妊娠或因頓仆胎動不安腰痛腹滿或有所下或胎
上搶心

熟地黃兩 白芍藥 艾葉 當歸 甘草

阿膠 黃耆各一兩 一方有川芎

右咬咀每服半兩姜三片棗一个水同煎

當歸芍藥散治妊娠腹中絞痛心下急痛及療產後血暈崩中
久痢

白芍藥各兩 當歸 茯苓 白朮各一兩 澤瀉

川芎各四兩

右為細末每服三錢食前溫酒調服以蜜和丸亦可

宮歸湯 治妊娠先患冷氣忽中心腹痛如刀刺

川芎 人參 茯苓 桔梗 吳茱萸

當歸各二兩 厚朴製 芍藥各二兩

右咬咀以水九升煎取三升分三服氣下即安

通氣散 治妊娠腰痛狀不可忍此藥神妙

破故布不以多少瓦上炒香熟為末嚼胡桃肉一个空心

溫酒調下三錢

五加皮散 治妊娠腰疼不可忍或連膝痛 先服此散

杜仲四兩 五加皮 阿膠炙 防風 狗脊

川芎 白芍藥 細辛 萆薢各三兩 杏仁八十個去皮尖炒

右咬咀以水九升煮取二升去滓下膠作三服

五加皮丸 治妊娠腰痛不可忍者 次服此丸

續斷

杜仲各二兩半 芎藭

獨活各三兩 五加皮

狗脊

萆薢

芍藥

薯蕷

呵子肉各八兩

右為細末煉蜜丸如桐子大空心酒下四十九日三

咳嗽門

桔梗散

治妊娠肺壅咳嗽喘急

天門冬去心一兩

貝母

人參

甘草

桑白皮

桔梗

紫蘇各半兩

赤茯苓一兩

麻黃去節七

右咬咀每服四錢姜二片水煎

馬兜鈴散

治妊娠胎氣壅滯咳嗽喘急

馬兜鈴

桔梗

人參

甘草

貝母各半兩

陳皮去白

大腹子

桑白皮

紫蘇各一兩

五味子半兩

右咬咀每服四錢姜二片水煎

麻黃散 治妊娠外傷風冷痰逆咳嗽不食

麻黃去節 陳皮去白 前胡各一兩 半夏洗炒 人參

白朮 枳殼炒 貝母 甘草各半兩

右咬咀每服四錢葱白五寸姜三片棗一個水同煎

紫苑湯 治妊娠咳嗽不止胎不安

紫苑一兩 桔梗半兩 甘草 杏仁 桑白皮各二兩

天門冬一兩

右咬咀每服三錢竹茹一塊水煎去滓入蜜半匙再煎一沸

溫服

升麻散 治妊娠壅熱心神煩躁口乾渴逆

升麻 黃芩 人參 麥門冬 梔子仁

柴胡 茯苓 瓜蒌根 犀角屑各一兩

知母

甘草

各半兩

右咬咀每服四錢水煎

知母散

治妊娠煩躁悶亂口乾及胎藏熱

知母

麥門冬

甘草

各半兩

黃耆

子苓

赤茯苓

各半兩

右咬咀每服四錢竹茹一塊水煎

葛根散

治婦人妊娠骨痛煩躁唇口乾渴四肢壯熱少食

葛根

黃芩

人參

姜藪

黃耆

甘草

麥門冬

各等分

右咬咀每服四錢竹茹彈子大水煎

人參黃耆散

治妊娠身熱煩躁口乾食少

人參

黃耆

葛根

秦朮

麥門冬

各一兩

知母半兩 甘草半兩 赤茯苓一兩

右咬咀每服四錢姜三片淡竹葉十四片水同煎

獨活防風湯 治妊娠中風角弓反張口噤語澀謂之風瘓亦名

子癰

麻黃去節 防風 獨活各一兩 桂心 羚羊角屑

升麻 甘草 酸棗仁 秦艽各半兩 川芎

當歸 杏仁製各七分

右咬咀每服四錢姜四片竹櫪一合水同煎

防風烏頭湯 治妊娠中風腰背強直時復反張

防風 葛根 川芎 生地黃各二兩

杏仁製 麻黃去節各一兩半 桂心 獨活

甘草 防已各一兩

右咬咀每服四錢水煎

葛根湯 治妊娠臨月因發風瘧忽悶憤不識人吐逆眩倒多子

癩 葛根 貝母去心 牡丹皮 防已 防風

當歸 川芎 白茯苓 桂心熬 澤瀉

甘草各二兩 獨活 石膏 人參各二兩

右咬咀以水九升煮取三升分二服貝母令人易產未臨月

升麻代之

傷寒門

白朮散 治妊娠傷寒煩熱頭痛胎氣未安或時吐逆不下食

白朮 橘紅 麥門冬 人參 赤茯苓

前胡 川芎各一兩 甘草 半夏洗炒各半兩

右咬咀每服四錢姜四片竹茹一錢半水煎

升麻散

治妊娠傷寒頭痛身體壯熱

升麻

蒼朮炒

麥門冬

麻黃去節各

壹兩

葛根

大青各半

兩

石膏

貳兩

右為鹿末每服四錢姜四片淡竹葉一七片水同煎

柴胡散

治孕婦傷寒

柴胡

前胡

川芎

當歸

人參

芍藥

粉草

生地黄

各等分

右為細末每服三錢姜二片棗二枚水煎要出汗加葱

秦光散

治妊娠時氣五六日不得汗口乾多噉冷水狂語嘔逆

秦光

柴胡各壹兩

兩

石膏

貳兩

前胡

赤茯苓

甘草

葛根

升麻

犀角屑

黃芩

各半兩

右咬咀每服四錢姜四片竹茹二錢水煎

敗毒散 升麻葛根湯皆可用之

七寶散

治男子婦人一切瘧疾或先寒後熱或先熱後寒不問鬼瘧食瘧不伏水土山嵐瘴氣似瘧者亦皆治之

常山

厚朴

青皮

陳皮

甘草

檳榔

草薺仁

各等分

右咬咀每服半兩於未發隔夜用水一椀酒一盞煎至一大
椀濾出露一宿却將滓再用酒水更依前煎一次去滓別以
椀盛亦露一宿來自當發之早盪溫面東先服頭藥少歇再
服藥滓大有神効

霍亂吐瀉門

人參散

治妊娠霍亂吐瀉心煩腹痛

人參

厚朴

橘皮

紅鱗

乾姜

姜製

各等分

炮

甘草 炙各半兩

右為末每服四錢棗二個水同煎

白朮散 治妊娠霍亂腹痛吐逆不止

白朮 炒 益智仁 枳殼 製 橘紅 各五分 草豆蔻 煨去

良姜 炒各半兩

右為末每服四錢姜四片水同煎

草菓飲 治妊娠藏氣本虛脾胃久弱藏府虛滑臍腹痛日夜

無度

厚朴 姜汁浸炒 肉豆蔻 壹个 麩 草豆蔻 壹个 煨

右咬咀每服三錢姜三片水煎

三黃熟艾湯 方在活人內

黃連湯 治妊娠下痢赤白膿血不止

黃連捌分 厚朴製 阿膠炙 當歸各陸分 艾葉

黃蘗各肆分 乾姜伍分

右為細末空心米飲調下方寸匕日二服

厚朴散 治妊娠下痢黃水不絕

厚朴姜汁炙參兩 黃連貳兩 肉苳蔻伍个連皮

右用水二升煮取一升頓服

又方 治妊娠挾熱下痢亦治丈夫常痢

黃連 黃蘗各壹升 梔子仁貳拾枚

右為末每服五錢水一盞浸三時又煮十沸頓服

若嘔者加橘皮一两生薑二兩

又方 治妊娠下痢腹痛小便澀

糯米壹合 當歸炒 黃耆各壹兩

右細切和勻以水二瓊煮取一瓊二分去滓分四服

又方

治妊娠素弱頻併下痢腹痛羸瘦面色痿黃不美飲食

厚朴

壹兩半

白朮

川芎

白芍藥

熟地黄

各壹兩

當歸

兩

乾姜

人參

各半兩

呵子

參分

甘草

壹分

右咬咀每服四錢棗二枚水煎

又方

治妊娠遍身洪腫

葶藶子

貳兩半

白朮

伍兩

茯苓

桑白皮

郁里仁

各貳兩

右爲鹿末水六升煮取二升分三服小便利即差

又方

澤瀉

葶藶子

各參兩

茯苓

枳殼

白朮

各陸兩

右細切以水六升煮取二升分二服

澤瀉散

治妊娠氣壅身體腹脇浮腫喘急大便不通小便赤澀

澤瀉

桑白皮

木通

枳殼

赤茯苓

檳榔

各等分

右咬咀每服四錢姜四片水同煎食前

防已湯

治妊娠脾虛通身浮腫心腹脹滿喘促小便不利

防已

味分

桑白皮

赤茯苓

紫蘇莖葉

各壹兩

木香

貳分

右為鹿末每服四錢姜四片水同煎食前

治妊娠三五個月胎死在腹內不出

大腹子

赤芍藥

榆白皮

各叁兩

當歸

壹兩

滑石末

柒分

瞿麥

葵子

茯苓

粉草

子苓

各半兩

右為鹿末每服四錢水煎

鄧知縣傳療死胎不出

朴硝研細半兩以童子小便溫調下屢効

花藥石散 方在機要中

治婦人敗血奔心胎死腹中胎衣不下等證極妙

清魂散 治產後血暈

澤蘭葉 人參各一分 荆芥壹兩 川芎半兩 甘草貳分

右為末用溫酒熱湯各半盞調一錢急嚥之

廣濟方 治產後血暈心悶不識人神言鬼語氣急欲絕

芍藥 甘草 丹參並咬咀各壹兩 生地黄汁壹升

生姜汁 白蜜壹合

右水二升先煮前三味取八合下地黄生姜汁蜜分為二分

獨行散 治產後血暈昏迷不省衝心悶絕

五靈脂半生半炒各兩

右為細末温酒調下二錢口噤者拗開口灌之入喉即愈
一方加荆芥等分為末童便調下

又方 治產後血暈危困

生地黄汁 壹大盞

當歸 貳錢半剉 赤芍藥 貳分半剉

右水煎三五沸温服如覺煩熱去當歸入童子小便半盞服

奪命散 治產後血暈入心經語言顛倒健忘失志

沒藥 血竭等分

右細研為末產後使用童子小便與細酒各半盞煎一二沸

調下二錢良久再服其惡血自下

蘇合香丸童子小便調下亦妙

又方 治產後敗血衝心發熱狂言奔走脉虛大者

乾荷葉 生地黄 乾牡丹皮等分

右三味濃煎湯調蒲黃二錢匕一服即定 四物湯加柴胡
小柴胡加生乾地黃等分煎服亦可

又方 治產後中風不省人事口吐涎手足痲癱

當歸 荆芥穗各等分

右為細末每服二錢水一盞酒少許煎至七分灌之如牙關
緊急用匙輕開灌下屢用救人有效

經効方 治產後中風腰背強直時時反張名曰風痙

防風 乾葛 川芎 地黃各二兩 麻黃去節

甘草 桂心 獨活 羌活 秦朮

防己各肆兩 杏仁伍拾个夫

右咬咀每服一兩水煎有汗者不可服

小續命湯連進數服愈

又方 治產後中風半身手足不遂言語蹇澁恍惚多忘精神不

定 獨活 當歸 芍藥 防風 川芎

玄參 天麻各五 桂心各五分

右咬咀以水八升煮取二升半分為三服竟効更作一劑又

作丸每服二十九 若有熱加葛根五兩有冷加白朮五兩

若有氣證加生姜一兩半

若手足不穩加牛膝一兩一錢草薢二兩黃耆四兩

若腹痛加當歸芍藥各七錢半

若不食加人參五錢玄參一兩

若寒中二陽所患必冷小續命湯加生姜汁煎

若暑中二陰所患必熱小續命湯去附子減桂心一半加薄

苛煎

產後門

趁痛散 治產後氣弱血滯身熱頭痛遍身疼痛

牛膝 當歸 桂心 白朮 黃耆

獨活 生姜各半 甘草 薤白各貳分半

右咬咀每服半兩水二盞煎至一盞半去滓食前

五積散加醋煎治感寒頭痛身疼方在雜知內附

加桃仁煎治腰痛逐敗血去風濕

生地黄湯 治產後腰疼腹中餘血未盡並手足疼不下食

生地黄汁一升 芍藥 甘草各二兩 丹參四兩

蜜一合 生姜汁半合

右切以水三升煮取一升去滓內地黃汁蜜姜汁微火煎一

二沸服三合日一夜三利一兩行

牡礪散 治產後惡露淋瀝不絕心悶短氣四肢乏弱頭目昏重

煩熱

牡礪 川芎 熟地黄 白茯苓 龍骨 各一兩

續斷 當歸炒 艾葉酒炒 五味子 人參 各半兩

甘草一分 地榆半兩

右為末每服三錢生姜三片棗一枚水同煎食前

蒲黃散 治產後三四日惡露不下嘔逆壯熱

芍藥二兩 知母二兩 生姜 當歸 蒲黃 各二兩

紅花五分 荷葉中心蒂七個 生地黄汁一盞

右咬咀以水二升煎至一升去滓下蒲黃煎四沸空心分作

三服

備急丹 治產後惡血衝心胎衣不下腹中血塊

以錦紋大黃一兩為細末用醃醋半升同煎成膏丸如桐子
大患者用醋七分蓋花五九至七九服之須臾血下即愈
若隊馬內損惡血不散服之神効

失笑散 治心腹痛欲死百藥不効服此頓愈

五靈脂 蒲黃 各等分

右為末先用醃醋調一錢熬膏入水一盞煎至七分食前熱
服是驗

地黃散 治產後惡物不盡腹內疝痛

生乾地黃 當歸 並畧炒各壹兩 生薑 半兩細切如蠅頭
大新瓦炒令焦黑

右為細末姜酒調一錢服

卷荷散 治產後血上衝心血刺血暈腹痛惡露不快

初出卷荷 紅花 當歸 各壹兩 蒲黃 帛炒 牡丹皮 各半兩

右為細末每服三錢空心温酒調下一臘内用童小便調下

又方 療產後血結下不盡腹中絞痛不止

大黃另炙 生乾地黄 當歸各貳兩 川芎 芍藥

桂心各壹兩 甘草 黄芩各壹兩 桃仁四十九枚製

右切細以水七升煮取一升半下大黃更煎一二沸分二服

又方 治先患冷氣因產後發腹痛

芎藭 桂心 當歸 茯苓 吳茱萸

芍藥 甘草各壹兩 桃仁貳兩半

右咬咀水七升煮取一升去滓分三服

桃仁芍藥湯 治產後腹痛

桃仁半升 芍藥 當歸 川芎 乾漆碎熬

桂心 甘草各貳兩

右細切以水八升煮取二升半去滓分三服

又方 治腹中絞痛不可忍

延胡索 當歸 白芍藥 川芎 乾姜 各等分

右為末每服二錢溫酒調下

又方 治證同前

延胡索 桂心 各半兩 當歸 壹兩

右為細末熱酒調下

紫金丸 治產後惡露不快腰痛小腹如刺寒熱頭痛久有瘀血

月水不調亦可治心痛與失笑散同

五靈脂 炒為末 真蒲黃 等分

右以好米醋調五靈脂末慢火熬成膏子次以蒲黃末搜和

丸如櫻桃大每服一二丸水與童子小便各半盞煎至七分

至藥化溫服之少頃再一服惡露即下

若久有瘀血成塊月信不利者並用酒磨下

產後六七日忽然臍腹痛皆由呼吸冷氣乘虛入客於血宜服

當歸建中湯方在元戎內附

以當歸建中湯和四順理中丸共研蜜丸飯飲吞下極妙

羊肉湯治產後內虛寒氣入腹腹中絞痛

肥羊肉壹斤當歸 甘草 芍藥各壹兩

右咬咀以水一斛先煮羊肉取七升入藥更煮作一升去滓

分服

產寶方治產後心腹切痛不能飲食之氣往來寒熱

當歸 川芎 黃芩 人參 甘草

芍藥 防風 生姜各半 大黃五片宜相投之

桃仁 捌拾个

右咬咀以水七升煮取二升下大黄更煎三沸分作三服

桂心丸 治產後血氣不散積聚成塊上攻心腹或成寒熱四肢

羸瘦煩疼

青皮

乾漆

炒烟尺各柒分半

沒藥

檳榔

當歸

桂心

赤芍藥

牡丹皮

各半兩

大黃

炒

桃仁

去皮尖

鱉甲

酥炙厚朴製

三稜

延胡索

各壹兩

右為細末煉蜜丸桐子大每服三四十九温酒下

產寶方

治血瘀痛無定處

童小便

叁升

生地黄汁

生藕汁

各壹升

生薑汁

貳升

右先煎前三味約三分減一次下生薑汁慢火煎如稀飴每

取一合温酒調下

又方 治血瘦痛臍下脹不下食

當歸貳兩 桂心 芍藥 血竭 蒲黃各壹兩半

延胡索壹兩

右爲細末每服一錢匕温酒調下

竹葉湯 治產後虛渴少氣力

竹葉叁升 甘草 人參 茯苓各壹兩 小麥五合

生姜 半夏各叁兩 麥門冬伍兩 大棗拾五枚

右以水九升先煮竹葉小麥生姜棗取七升去滓內藥

再煎取二升去滓一服五合日三夜一

延胡索散 治產後血渴不止

延胡索 蔚金 乾葛 桂心 青皮

枳殼製等分

右並以好醋浸一宿焙乾為細末每服一錢冷橘皮湯調下
三服差

草菓飲子 治婦人產後瘧疾寒熱相半或多熱者

半夏洗 赤茯苓 甘草炙 草菓炮去皮 川芎

陳皮 白芷焙 青皮去白 良姜 紫蘇各壹分

乾薑四分

右咬咀每服秤二錢姜二片棗一枚水同煎去滓當發日侵
早連進三服無有不安

生熟飲子 治產後瘧疾多寒者

肉豆蔻 草菓二 厚朴生 半夏 陳皮

甘草 大棗去核 生姜各等分

右細剉和勻一半生用一半以濕皮帟裹煨令香熟去帟同和勻每服秤五錢水二盞煎至七分食前一服食後一服

增損此胡湯

治產後虛羸發寒熱飲食少腹脹

柴胡

人參

甘草

半夏

陳皮

川芎

白芍藥

各等分

右咬咀每服三錢姜五片棗一枚水同煎食後日二

熟地黃散

治產後羸勞皆由躰虛氣力未復勞動所致四肢煩

疲時發寒熱

熟地黃

人參

白芍藥

白茯苓

白朮

續斷

各壹兩

黃耆

桂心

五味子

當歸

麥門冬

川芎

各柒分半

右咬咀每服四錢姜三片棗一枚水同煎

黃耆丸 治產後羸勞寒熱進退頭目眩痛百骨節疼痠氣力羸

乏 黃耆 鱉甲 當歸各兩 桂心 白芍藥

續斷 川芎 牛膝 菴蓉 沉香

栝子仁 枳殼各半 五味子 熟地黄各半兩

右為細末煉蜜丸桐子大每服四五十丸粥飲下食後

療產後嘔吐不止

橘紅壹兩 半夏兩 甘草各半兩 藿香貳兩

右為細末每服三錢姜三片水煎

參蘇飲 治產後血入於肺面黑發喘欲死者

人參壹兩另為 蘇香貳兩

右以水兩椀煮取一椀以下去滓調參末隨時加減服神効

不可言

黃連丸

治產後赤白痢腹中絞痛不可忍

黃連

四兩

阿膠

蒲黃

梔子仁

各壹兩

當歸

壹兩

黃芩

貳兩

黃蘗

參兩

右為細末煉蜜為丸桐子大每服六十九米飲下日三夜一

救急散

治產後赤白痢腹中絞痛

芍藥

阿膠

艾葉

熟地黃

各四兩

甘藥

當歸

各參兩

右咬咀水二升煮取八合分二服空心

桑螵蛸散

治產後小便數及遺尿

桑螵蛸

參拾个炒

鹿茸

酥炙

黃耆

各參兩

牡蠣

煅

人參

厚朴

赤石脂

各貳兩

右為細末空心米飲調下二錢匕

又方 桑螵蛸 半兩炒

龍骨 壹兩

右為細末米飲調下一錢空心

療產後大小便不利下血

車前子 黃芩

蒲黃

牡礪

生地黃

芍藥 各壹兩半

右為細末空心米飲服方寸匕忌麪蒜

又方 下乳汁

粳米

糯米 各半

萹竹子

壹合並淘淨

生甘草 半兩

右煎汁一升研藥令細去滓分作三服立下

又方

豬蹄 壹隻

通草 四兩

右以水一斗煮作羹食之

皂角散 治吹妳

歌

婦人吹妳意如何

皂角燒灰蛤粉和

熱酒一杯調八字

須用揉散笑呵呵

又方

乳香研一分 括萎根末壹兩

右研令勻溫酒調二錢服

天南星末用溫湯調塗之

連翹湯

治產後妬乳并癰

連翹

升麻

芒硝壹兩

玄參

芍藥

白欬

防己

射干各捌分

大黃貳分

甘草陸分

杏仁四十个去皮尖

右咬咀以水五升煮二升下大黃次下硝分三服

張氏橘皮湯

治乳癰未結即散已結即潰極痛不可忍者神效

因小兒吹妳變成斯疾者並皆治之

陳皮湯浸去白曬乾麩炒微黃為細末麝香研酒調二錢

初發竟赤腫疼痛一服見効

神効瓜蒌散

治乳疽疔勞神効

瓜蒌

壹个去皮焙為末子多者有力

生甘草

當歸

酒浸焙各半兩

乳香

壹分

通明沒藥

貳分半一兩味另研

右為末用無灰酒三升於銀石器內慢火熬取一升清汁分作三服食後良久服如有疔勞便服此藥可杜絕病根如毒氣已成能化膿為黃水毒未成即於大小便中通利如疾甚再合服以退為妙

五香連翹湯

亦可方在寶鑑內

小兒十二證方十二道

夫小兒傷寒與大人不同何也小兒竒經未盛精神未全八脉皆虛七神尚弱語言不正喜怒不節性情未定非食穀味專

於精神也是食乳專於精神也且牙未生亦蒸尚在豈不異於大人哉設令小兒十歲已上卒暴身壯熱惡寒四肢冷或耳聩冷鼻中氣熱或為癍疹也與傷寒表證相似胎氣始發自內之外與傷寒表證同治者誤也當作小癍瘡治之小兒傷寒身熱頭痛面赤者在表也氣虛腹滿小便赤澀者在裏也小兒形候雖有汗下之病未及五歲可以視聽未可脉別故不行於胗五歲已上穀氣漸實可以脉別浮沉遲數表裏寒熱察色聽聲而得其全故知小異大同也

小兒傷寒頭痛身壯熱無汗鼻氣壅塞目澀小便清者知不在裏可汗而發之宜麻黃黃芩湯

麻黃 各兩 赤芍藥 各半 黃芩 各半 甘草炙 各半 桂枝 各半

右為鹿末水煎

小兒中風身熱頭項背強自汗表不和也宜升麻黃芩湯

升麻 葛根 黃芩 芍藥各伍分 甘草壹分半

右剉細每服二錢水煎

小兒表傷則皮膚閉而為熱盛即生風欲為驚奮血氣未實不能勝邪故發奮也大小便依度口中氣熱當發之宜大青膏

天麻末伍分 白附子末貳分半 蝎蛭去毒生半分

朱砂研壹字 麝香壹字 烏蛇稍肉酒浸焙乾取末半分

青黛研壹分 天竺黃研壹字

右同再研細生蜜和成膏每服半皂子大月中兒粳米大同牛黃膏溫薄荷湯化一匙服之五歲已上同甘露散服之

小兒傷寒熱煩小便赤澁大便褐色面赤氣熱者導赤散

生地黃 木通 甘草各等分

右為細末每服三錢竹葉五七片同煎

小兒熱結於內腹脹壯熱大便赤黃燥煩悶亂者**瀉青丸**

當歸 龍膽 川芎 山梔子 大黃

羌活 防風 各等分

右為細末煉蜜丸鷄頭大每服半錢至一丸煎竹葉同沙澆

水化下

小兒結熱於內口乾而渴身黃躄重者**白朮散**

人參 白朮 白茯苓 甘草 炒 藿香葉 各壹兩

葛根 貳兩

右為鹿末每服一錢至二錢水煎

小兒結熱上氣喘者**四順散**一名清涼飲子

大黃 蒸 甘草 炙 當歸 洗 芍藥 洗各等分

右為細末每服一錢薄荷二葉同煎

小兒客熱在內不思乳食宜導赤散次服**益黃散**

陳皮壹兩 青皮 柯子肉 甘草各半兩 丁香貳分

右為細末每服二錢水煎

小兒疳瘡始竟有表證**升麻湯**

升麻 葛根 甘草 芍藥各等分

右為麗末每服二錢水煎

小兒癰出不快者或未出者**紫草升麻湯**

紫草嫩者 升麻 甘草炙各半兩

右劉細每服二錢粳米五十粒同煎

小兒癰出欲透皮膚身熱咽喉不利**甘草桔梗升麻湯**

甘草半兩 桔梗壹兩 升麻半兩

右劉細每服一錢水煎

小兒癩瘡黑陷者**真牙湯**

人牙貳枚燒存性入麝香少許

右爲細末用紫草升麻湯調下

小兒癩疹黑陷方

乾胭脂三分 胡桃壹个燒存性

右爲細末煎胡荽酒調藥一錢服之立効

小兒癩疹黑陷方

臈月禿集腦子或一个或二个以好酒調服若乾者以好酒

浸少時化開依上調服立効

小兒癩後眼有翳膜竹葉湯同沙糖化下瀉青丸一兩丸漸至

微利神効

小兒咳嗽喘逆身熱鼻乾燥者是熱入肺經為客熱呷呀有聲

黃耆湯

黃耆貳兩 人參參分 桑白皮參分 地骨皮伍分 甘草貳分半

右咬咀煎至七分放冷時服之

人參羌活散 治小兒寒邪溫 時疫瘡疹頭疼身痛壯熱多睡

下治潮熱煩渴痰實咳嗽

羌活 獨活 柴胡 人參 芎藭

枳殼麩炒 甘草各各貳兩 前胡 桔梗 天麻酒浸炙

地骨皮各半兩 白茯苓去皮貳兩

右為散每服一錢水一盞入薄荷少許同煎去滓溫服不拘

時候

七味羌活膏

羌活

獨活

烏蛇肉

酒浸一宿焙
乾壹兩

天麻

全蝎

人參

白殭蚕

各半兩

右為末煉蜜為丸如皂子大每兩作五十九每服一九煎荆芥湯化下

雲岐子保命集論類要卷下

編主五雲王
編初成集書叢
要類論集命保子岐雲
冊 二

中華民國二十五年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

